


B. N. C.  
FIRENZE

1144

5





144.5



1144.5

DE ORIGINE 1144. 5. AS  
ORDINIS CAMALDVLENSIS.



*Cum APOLOGIA in Auctorem Historiæ Romualdinæ, Augustini  
Fortunij à Fesulis Monachi Angelorum Florentiæ.*



CAMALDVLENSIS Ordinis exordia  
in Sacra Camalduli EREMO excitata sunt  
Anno Salutis M. XII. ob misterium cæ-  
lestis Scalæ S. Patri Romualdo illic osten-  
sum: qui Eremitici propositi præcipuus  
extitit instaurator in Occidentis Partibus,  
Othonis. III. atq; Henrici. II. temporibus;  
qui quidem illi quàm deuotissimi extitere. Porro Romual-  
dus nobilissimus Rauēnatum, cum adoleuisset multùm pie-  
tati Religiosæ deditus; & incentiua carnis superare nesciret;  
annos natus viginti ad Cœnobium Classis Monachorum ni-  
grorum Cluniacensis Congregationis profectus est; vt pro  
quodam Sergii Patris homicidio pœnitentiam XL. dierum  
ageret.

impietate pia retinerent. Quo in sancta vocatione confirmato: factum est ut Sergius quadam die orationi incumbens Spiritum Sanctum ante dies mortis suæ viderit; quæ mortis meritis filii Romualdi contigit illi felicissima. Qua divulgata fama, Otho Cæsar ad B. Romualdum veniens, atq; in lectulo illius per noctem ad S. Adalberti hospitatus, cum Abbatem Clasis inuitissimum fecit. Qua deinde deposita dignitate, propter Monachorū inobedientiā, apud Tiburtinam Urbem (vbi oblectos Cives iratissimo Imperatori reconciliauit) B. ROMVALDVS ad lucrandum D. N. Iesu Christi animas se totum dedidit: nec non ad construendū Discipulorum Monasteria, & Eremos per varias regiones, qui quotidie numerosi augebātur. Quod Otho ipse Imperator, qui peccata sua ad pedes B. ROMVALDI confessus fuerat, in actu poenitentiae Quadragesimā integrā cum Coenobitis Classensibus traduxerat; nudisq; pedibus propter illatam mortem, falsæ fide, Crescentio Senatori; Vxoreq; illius in Concubinā suscepta; ad Diui Michaelis Archægeli Montis Gargani Apulie proficisci visus esset. Sanctus verò Bonifacius ipsius Imperatoris cōsanguineus, Monachus cum multis aliis ex Aula factus, martyrium pro fide Christi in Russiæ oris, vbi per igneos globos omnino illæsus, pertransierat, felicissimè compleuisset, Rege effecto Christiano cū omni populo. Id quod SS. Ioanni, & Benedicto, qui instante eodem Imperatore ad Bolesclauum Regem Poloniæ, vt enunciarent ibi Euangelicā gratiam, profecti fuerant, similiter contigit. Igitur cum B. ROMVALDVS ceterum iam loca, vel plura diuersis in regionibus, atq; Prouinciis cōstruxisset in vestibis suis nigris; nec ab huiusmodi sollicitudine animus ipsius quiesceret, ingrauescente maximopere ætate. Factum est Dei prouidentia, vt ad Campum speciosum Malduli in Apennino Tusco quadā die descenderit; qui utiq; locus pulcherrimo Abietū nemore circumdatus erat, atq; limpidorū fontium aquis irriguus. Vbi præ lassitudine itineris ad proximiorē nūc Basilicæ cū modicum soporatus quiesceret, raptus est in spiritu,



viditq; ascendere per gradus Scalæ à terra in calum vsque erectæ Monachorum Splendescantium cœtum in vestibus albis. Quibus coniunctus, oraculum Divinum suscepit, vt ibi loci in Habitu albo Eremitum Discipulis construeret: con-  
furgensq; occurrit fortè Maldulo loci, ac Sylvarum Domi-  
no. Is Cuius erat Aretinus, in baptisinate Nomen Familiæ  
fortitus; quæ de Magdali Oppido Iudææ olim aufugerat sub  
excidium Urbis Ierosolymorum: & illis diebus ad Oppidum  
Collis Vallis Elsæ primò cœperat dilatari. Qui quidem Mal-  
dulus se ipsum cum omnibus suis bonis Deo, & B. Romual-  
do sponte obtulit, atq; tradidit. Iam verò cum misterium  
ipsius Visionis concordie voluntate Helemperto Episcopo  
Arretii renunciaissent; ille ad campum ipsum Malduli digna  
comitante caterua veniens, sine mora tum primarium Ora-  
torii posuit lapidem; neq; quinq; inter se distantium Cel-  
lularum Eremiticarum: tum verò quinque ex Discipulis S.  
Romualdi albis vestiuit indumentis, quos S. Pater in ipsis  
constituit Cellulis: docuitq; suo exemplo Eremiticæ obser-  
uantie districtum tenere rigorem. Mansit namq; cum illis  
diuturno quinque annorum spacio in Cellula, quæ ad hanc  
vsque diem Nomen illius retinet; ad quam Miraculum fagi  
incisæ contigit; quæ super eam ruens existente intus Viro  
Dei, ad signum Crucis per eum factum in aliam partem con-  
tra naturæ vires versa est, vt scribit B. Petrus Damianus. An-  
no item quarto (vt venerabilis etiam Lucas notat ex Hi-  
storia Vallis Vmbrosæ) s. Romualdus habuit ibidem inter  
alios Discipulos B. Ioannem Gualbertum, quem à Deo in-  
spiratus ad inchoandum illam Congregationem dimisit. Ne  
autem contingeret ipsos novos Eremitas in solitaria quiete  
turbari, propter frequentiam viatorum, aut hospitem cum  
lustrasset circum consistentes regiones vt Hospitem Do-  
mum idoneo in Situ institueret: id tandem facere placuit ad  
radices Montis Cotozi; in Valle videlicet Pratorum Meta-  
leti, vbi Aquæ fontium Sacræ Eremitæ in alueum fluminis Ar-  
clani, confluunt: & fons, qui bonus dicitur, ad Palatium  
Malduli

Malduli scaturire cernitur perpetuus. Quæ constructa Domino, Monachum vnum præbyterum cum tribus Conuersis in ea locauit; qui cum feruore charitatis, vltra curam Hospitum, de rebus quoque ad sustentationem Vitæ necessariis ad sacram Eremum per singulos dies mittendis essent solliciti. Tunc autem cum sæpe à sacra Eremita ad Camaldulum descenderet; Diabolus (profectibus Viri sancti, vt semper, inuidens) quadam die voluit eum ex quodam altiori stricto tramite in Gurgitem fluuii præcipitare: sed S. Romualdo manus ad lapideum montem extendente; qui vt mollis cera celsit, malignus nihil profecit. Ibi autem extructum est Sacellum, quæ Casella S. Romualdi vulgo nuncupatur. Post hæc in Sytriam ad alios antea ibi relictos Discipulos transitum facere volens (vbi iussus fuit a Deo, post seuam superatâ malignantium Discipulorum tempestatem, Expositionem notissimam Psalterii edere) Petrum Dagninum primum Priorem illis præfecit; dans illi in mandatis, vt Templum ad ipsum Hospitium fontis boni ædificandum curaret: ne vbi Lya cum Martha esset, Rachel cum Maria ad pedes Domini deficeret. Tunc ergo B. Romualdus discedens, ad suos Camaldulenses non remeavit; nisi postquam ex ipsa Sytria ab Henrico Imperatore euocatus (qui Viro Sancto aduenienti apud Senarum Urbem occurrens, in illa religionis intuitu prorupit verba, *Vtinam esset Anima mea in corpore tuo*) obtenta Abbatia Montis amiati, vltimam Eremum, quæ ad viuum dicitur, construxit; quæ instar nostræ Camalduli pulcro Situs, & dispositionis parallelo diu floruit. Tunc ergo, appropinquante Vitæ termino, sacra sua Camaldulensi EREMO repetita; cum interfuisset Dedicationi Templi vtriusq; Domus, quæ à Teodaldo Pontifice Aretii facta est, qui B. Romualdum in spirituales Patrem prælegerat; commendata eidem dilecta sua CAMALDULENSI Familia; migrans ex Tuscia, ad Cœnobium Valis Castri in Picœnum deniq; se se recepit. Vbi ad Cellulam suam, S. Blasii nuncupatam, quæ ad radices Montis S. Vi-

cini sita ad hanc diem visitur, consumptus ætatis decrepitate Animam Domino Iesu Christo reddidit instar S. Pauli primi Eremitæ, die XIX. Iunii Anno Domini M. XXVII. exacto Vitæ cursu centum viginti annorum, vt testatur B. Petrus Damianus Cardinalis Ostiensis, qui post quindecim annos eius Vitam luculentissimè conscripsit. quorum nonaginta septem Eremita, & tres Monachus fuit, post viginti, quos peregerat in seculo, quamplurimis ante & post mortem ad eius Tumulum Clarissimus Miraculis. Propter quæ post quinquenniū Altare supra sacrum Corpus de licentia S. Sedis Apostolicæ illi erectum est: quæ eiusdem Canonizatio fuit. Quod similiter sacrum Corpus, aperto Sepulchro Anno 1466. integrum & illibatum omnino repertum est; multis ac multis innouatis Miraculis. Sicut Anno quoque 1480. Sacro ipso confracto Corpore, & furtim ad Aesinam Urbem delato; & deniq; in Oppidum Fabriani translato, & in Templo S. Blasii honorificentissimè locato; factum esse, ac quotidie fieri nemo nostri Ordinis ignorat. Porro Cognomen CAMALDULI nouæ Congregationi Albæ inditum est ab ipsa voce Campo Malduli; Palatiiq; Vocabulo, Dictionibus per Syncopam coniunctis. Quomodo nunc temporis Venetiis quoque accidere videmus, vbi de clarissimis Familiis vulgò dicitur, *da Ca' Ponte, da Ca' Prioli, in vece di Casa da Ponte, o di Casa Prioli, & simili.*

Insignia verò Calicis, ad quem duæ Columbæ albæ bibituræ accessisse cernuntur, Stella lucente superposita; tunc à Patribus in Sacra Eremo primùm sunt suscepta quando Eremitarum Colonia in alias Prouincias mitti cœptæ sunt. Post transitum namq; S. Patris ROMVALDI tanta opinione sanctitatis, atq; numero fratrum visa est crescere Eremitarum Congregatio, vt vsque in Sardinia, & Corsicæ Insulas Camaldulenses fuerint aduocati. Quamobrem necessarium fuit proprium Insigne, de more communi aliarum familiarum, excogitare, quo loca Camaldulensia notari possent. Designat autem Calix Statum Pœnitentiæ; solitariaq; vitæ rigorem,

cum

cum mortificatione Carnis, ac Sensuum: sicut duæ Columnæ albæ insinuant puritatem mentis, & corporis, atq; animi simplicitatem, cum meditatione Passionis Christi Iesu D. N. qui est Stella super posita: ut probentur Spiritus, si ex Deo sunt: & verè ut contemplatiui lucent.

## A P O L O G I A.

**T**Alia cum extiterint Camaldulensis Ordinis nostri exordia: quemadmodum ex antiquis monumentis Sacræ Eremiticæ constat; Et nos latius in nostris Historiis exarauimus, quæ Decreto Patrum probatæ superioribus annis impressæ fuerunt ære publico. Equidem satis mirari non desino, quæ ratione adductus Reuer. Auctor Romualdinæ Historiæ diuersa de Origine vestimenti albi; Nomēclaturæq; Cōgregationis tradere voluisse videatur. Quandoquidem vnica sola est veritas, quæ fides, atque Anima Historiæ censetur. Is namq; de mysterio Scælæ celestis S. Romualdi verba faciens, Monachos tantum splendescere fuisse commemorat: quod autem albescentes extiterint, silentio præterit. De Nomine autem CAMALDULENSIS, nititur ostendere ex relatione cuiusdam Monachi nigri, Discipulos S. Romualdi primis temporibus vocatos fuisse Romualdinos in quadam Scriptura, in qua de Petro Vrseolo, Ioanneq; Gradenico habebatur mentio. Quasi velit arguere, idem de nobis quoq; euenisse. Quæ nimirum diuersitates (cum aliis infra citatis) & si friuolæ omnino sunt, & pro nihilo à nobis reputantur, qui induciti fuimus ad scribendum ex obedientiæ Maiorum Sacramento: emensiq; sumus spacium XII. annorum in earum compilatione. Quo temporis decursu per omnes Provincias dedimus operâ in singulis Cœnobiis (sicut bis terq; in sacra Eremitica nostra, in Archiuioq; Camalduli fontis boni in primis incubueramus) sigillatim omnes Scripturarum, Instrumentorum, atque Priuilegiorum paginas fidei diligentia cura euoluere, non solum uti Monachus; verum etiam

etiam uti Notarius publicus, quo in seculoungebar officio. Veruntamen quia non omnibus datum est adire Chorin-  
thum : & multi multa loquuntur : Quò tendat Dictorum  
huius Eremitæ nouitas, breuis huius Apologiæ responsioni-  
bus aperire aggredimur. Quatenus videlicet sacra nostra  
CAMALDULI Eremitus in sua Origine Læsionem pati digno-  
scitur. Nam in cæteris telam ipsius Romualdinæ Historiæ  
in suo robore in presentiarum relinquimus. Idq; protesta-  
tione quoq; præmissa, quòd honoris solummodo nostri  
gratia, hortatione religiosorum amicorum ad id faciendum  
adducimur : non ut cuiquam ex professio iniuriam irrogare  
velimus. Tametsi iste Pater cum Alienigena genere, atque  
præsbyter secularis primùm Religionem ingressus, & inter  
nos nullatenus versatus, videtur appulisse animum ad scri-  
bendum magis fretus ingenio, multa se scire putans, & in suo  
sensu abundans deceptus, quàm ut res haud dubiè maxi-  
mopere trita eius sententiæ indigeret iudicio, seu diffinitione.

Quod enim ad album Vestimentum attinet, cum ipse for-  
tasse non legerit ea, quæ ex antiquis Eremitæ nostræ monu-  
mentis à Patribus Vitæ S. Romualdi addita fuere, quæ im-  
pressa fuit sub auspiciis Leonis X. Pont. Max. Anno 1513:  
propter obtenta Anno eius primo amplissima initæ nouæ  
Congregationis nostræ Priuilegia; In quibus quidem Mo-  
numentis hæc habentur verba. *Anno vero Domini MXII. idem  
B. P. Romualdus cupiens locum idoneum Eremiticæ Conuersationis  
inuenire, peruenit ad istum locum Camalduli; ubi dum paululum las-  
sus requiesceret, raptus in spiritu vidit ad instar Iacob scalam excel-  
sam suo vertice calum tangentem, per quam splendescantium, atq;  
albescantium videbatur ascendere multitudo.* Nil mirum profectò  
quòd Participium Albescantium ab ipso subtrahatur; seu  
fides cælestis Oraculi non fuerit integrè ab eodem notata.  
Albesco namq; Verbum, albus fio apud Grammaticos si-  
gnificat: quemadmodum videlicet Discipuli S. Romualdi,  
antea tunicis nigri, propter ipsam cælestem Visionem in al-  
bos iam iam immutari incipiebant: Præterea. cum non ani-  
maduer-

maduerterit in eisdem Monumentis illa Verba, *peruenit ad istum locum Camalduli*: nil mirum, vt in hac quoque parte deceptus, minimè sit recordatus, quomodo pleræq; ex Congregationibus Religionum Vocabulum sui Cognominis ducunt ex loco, vnde originem trahunt. Qualis Carmelitarum à Monte Carmelo (non ab Helia propheta, seu Heliseo Auctoribus) & Carthusiensis à Carthusia Sylua. Vallis Vinbrofæ ab Aequiuoca Valle, cum reliquis: & sua Montis Coronæ, cui iste Pater primus Romualdinæ Cognomentum addidit. Quod enim ad citatam scripturam tempore Ducis Vrseoli pertinet, & eorum temporum Monachorum; si isti Romualdini scripti vsquam leguntur; nos quidem certè nihil aduersamur, quominus taliter in Aquitania nominari potuerint, & fortasse hodie nominentur; si qui eorum successores inueniuntur. Sed consequentiam negamus, vt nos CAMALDVLENSSES propterea Romualdini vnquam dicti fuerimus. Cum quia sacra nostra Eremus, vt prædiximus, à Situ notissimo cognominatur: tùm etiam quia Discipuli S. Romualdi Vallis Castri inter Piccentes, penes quos solos custoditur eius Sacratissimum Corpus, Miraculis semper nouis famosissimum: quamuis per quadrigentos certauerint annos de Primatu cum omnibus Monachis, & Eremitis aliorum Locorum, qui fuerant à S. Romualdo instituti, ratione prætenfæ præheminentiæ, ac Dignitatis tanti asseruati apud illos in thesauri. Nunquam tamen Romualdinorum ipsum introduxerunt Vocabulum: vt ex eorum omnibus libris, atq; scripturis videre est. Quæ res eò magis roboratur, quò Ordini nostro Camaldulensi nō nisi Sancta Sede Apostolica cogente nouissimè copulati sunt Anno 1400. Ex quibus manifestum est, Romualdinorum Titulum in Italia ante Romualdinam Historiam nequaquam in vsu fuisse. Nec solùm iste Pater in præmissis apertissimè fallitur: sed in positione quoque Hospitiū Fontis boni: dum videlicet vertit in dubium, num opus deniq; consumptum sit ad Palatium Malduli. Quandoquidem eius Turris ad hanc vsq;

diem



omnem alium locum sub Auspiciis Oraculi Vestimenti albi initiata cognoscatur. Qui postea albus vestitus Monachis Montis Oliueti cōmunicatus fuit Anno 1319. & Congregationi Montis Coronæ Anno 1520. Is autē siue rudis, & abiectus: siue maioris aut minoris valoris, & extimationis: siue grossiori, siue nobiliori panno consistat, pro qualitate locorū & personarum, nihil refert: dummodo qualitatem coloris albi non excedat. Vnum autem illud vltimo loco nos (quòd dolemus) magis turbat; quod iste Pater aliquantulum incautus indigna de misterio Visionum Sanctorum scripsisse iudicari posse videtur. Dum videlicet opinionem aliquorum recensens, qui dixerunt, Visionem Scalæ fuisse factam etiam Maldulo; nec constare, quis fuerit præuentus; ista format Verba. *Eo quòd primus somnium de Scala somniasset.* Quamuis .n. in Iohēle c. 2. similia legantur Verba: is tamen non videtur animaduertisse præcedentia. *Iuuenes vestri Visiones videbunt.* Ex quibus nimirum successio legis Euangelicæ præsignatur in exclusionē Synagogæ. De cuius Somnijs dixerat Iob. c. 7. *terrebis me per somnia.* Et Ecclesiastes. c. 5. *multas curas sequitur somnia.* Et Ecclesiasticus. 34. *multos errare fecerūt somnia, & exciderunt in illis.* Igitur cum Visio sit cæleste Oraculum, quo Prophetæ Sancti, aliiq; Viri Deo grati diuino aguntur spiritu ad aliquod peragendū Ministerium, ad quod Dei Ministri specialiter eliguntur: quamobrem Videntes dicti sunt. Et de quibus in libris Prophetarum legitur. Visio Isaïæ prophetæ. Visio Abdia. Et in Ezechiele, Vidi Visiones Dei &c. Somnium autem sit, de quo aiebat Terentius. Num ille somniat ea, quæ vigilans voluit? Et Daniel, Vidit Nabuchodonosor Somnium, & conterritus est spiritus eius. Reliquum est, vt confutatis obiectis; Origo, cum Nomenclatura Sacræ Eremitæ, Ordinisq; nostri Camaldulensis tuta conscientia per omnia capita, qualis in nostris Historiis describitur, ex authenticis Scripturis Antiquitatis sine cuiuspiā iniuria defensata perseueret. Laus Deo in Sanctis suis.

magister ad hunc mundum

procurator in ecclesia

reus







MC

